

# INUIT ATAQATIGIIT

## Inatsisartuni



28. marts 2019

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

### **Naalakkersuisunut apeqquq:**

- 1. Naalakkersuisut ilisimatitsissutigisinnaavaat Qaqortup eqqaani mittarfiliornissaq sioqqullugu silaannaap nikerarnera qanoq ittuunersoq pillugu timmisartorluni misileraanerit pilersaarutigineqarnersut?**
- 2. Apeqquqmut 1-mut angeraanni: Misileraalluni timmisartornerit qaqugu ingerlanneqassappat?**
- 3. Apeqquqmut 1-mut naaggaaraanni: Misileraalluni timmisartornerit ingerlanneqannginnissaannut suna patsisaava?**
- 4. Apeqquqmut pineqartumut tunngasunik paasissutissanik allanik Naalakkersuisut peqarpat / tigummiaqarpat?**

(Inatsisartunut ilaasortaq Sofia Geisler, Inuit Ataqatigiit)

### **Tunngavilersuut:**

Qaqortup eqqaani mittarfiup sanaartornissaa sioqqullugu misileraalluni timmisartunik misissuinerup pisariaqarnera pingaaruteqarneralu pillugu apeqquqit arlallit maannamut qaqinneqatarput. Taamaattumik misileraalluni timmisartorluni misissuinerit ingerlanneqarnissaannut / ingerlanneqarnerannut killiffik qanoq maanna isikkoqarnersoq paaserusuppara. Angallassinermi sillimaniarneq pingaaruteqanerpaavoq, pingaartumik ilaasunik angallassineq eqqarsaatigalugu. Tamakku tunngavigalugit Naalakkersuisunut apeqquq nassiuppakka.

Kissaatigivara apeqquqtikka ullut suliffiusut qulit qaangiutinnginneranni akineqarnissaat.